


**Na XII. bijenalu knjige Nagrada za nauku dodijeljena
rahmetli dr. Ahmedu Smajloviću**



Dodjelom sajamskih nagrada u "Bosanskoj kući" u Centru Skenderija 22. aprila ove godine zatvoren je ovogodišnji XXV. međunarodni sajam knjige i XII. bijenale knjige, koje su od 17. aprila organizirali Udruženje izdavača i knjižara (UIK) BiH, TKD "Šahinpašić" i Centar Skenderija.

Nagrade za najbolje izdavačke projekte su u prisustvu brojnih autora i izdavača dodijeljene u 15 kategorija. Nagrada za nauku dodijeljena je rahm. dr. Ahmedu Smajloviću za djelo "Filozofija orijentalistike i njen uticaj na savremenu arapsku književnost", objavljenu 2012. godine u suizdavaštvu El-Kalema - Izdavačkog centra Rijasetu Islamske zajednice u Bosni i Hercegovini i Fakulteta islamskih nauka u Sarajevu.

Ovo izuzetno značajno djelo koje je, izvorno ispisano na arapskom jeziku, nezaobilazno u izučavanju orijentalistike i njezinog utjecaja na kulturne tokove u arapskom svijetu općenito, a posebno na polju književnosti, u bosanski jezik pretočio je naš renomirani prevodilac prof. dr. Mehmed Kico.

(www.fin.ba)